

40350  
42  
部22110

第一百一十冊

卷二百八

忠節傳一

卷二百九

忠節傳二

新纂雲南通志

盧漢題

簽





新纂雲南通志卷二百八目錄

忠節傳一

雲南府一

明

朱朝冠 楊廷瑚 吹笛軍 王政舉 唐俊德

程坤 周嘉映 李悉達 余士泰 劉惟馨

楊膚 虞引 羅銘鼎 李開元 陳爰詢

馬雲程 高人龍 司慎 陳大經 徐高遷

陳爰謀 向六 馬老三 張所知 蔣之彥

謝天禎 段伯美 張孔鑄 李開芳 伍傑

王來儀 劉擴 劉昌應 施于京 嚴賓

新纂雲南通志

卷二百八 忠節傳一 目錄

楊思義 楊樹烈 譚三謨 張如良 莫貴德

唐懋俊 李守質 王謨 李方泌 陳九蛟洪文彬

郭對 羅正符 朱荃 單武襄 李先芳

王需之 張何明 寇觀明

清

魏翥國 李焜 李發早 馮志英 張朝輔

羅資袞 劉天佑 魏金邦 江紀 陳融

熊芝林 崔崑等十人 孫大猷 謝天保 石鼎臣等十人

陳選等十四人 資尙培 王致中 汪榮等四人 楊春榮閩亮

方儀 安朝聘等六人 鄒有福李興然 熊振先 張尙忠

朱日恭 繆志林 盧映鴻 楊慶 李逢春



李廷楷

李祥麟

慶桂森

郭承勳

廖相

傅士珍

子培基

楊沂

金毓文

金聘

馬吉

陳宗舜

等五人

張奏凱

李萬清

魏增祥

李定邦

段裕林

黃河清

賀福昌

昌應蘭

李占春

秦保

朱魁

李長清

高定川

毛世榮

戴光照

王圻

沐廷禎

張春

葛文炳

廖友直

陳天柱

岳相堯

栗慶春

岳亮彩

谷澄

李蔭

季勳

楊恩培

陳桐

陳之燾

董祐

石生輝

姜載周

張開文

司軾

李傑

鄭嘉賓

王承志

繆萬清

朱明遠

張鑫

傅濟川

楊佩芬

孫丕烈

新纂雲南通志

卷二百八 忠節傳一 目錄

二

陳嘉謨

張樹功

楊樹培

吳錦培

陸彭雲

陸沛

袁系昌

袁士昌

趙廷璧

楊母氏等

楊維賢

孫超

楊友桂

楊文華

陳永甯

劉媳氏等

倪應敏

熊有功

劉占甲

周得明

徐永謙

蘇介生

楊憲坤

高銓

尹翊襄

楊捷驥

劉占魁

馬玉良

張敦孝

杜福

施悌

趙天泰

王松齡

子熙燾

陳彬

王開錡

王錫齡

李虎臣

門國安

楊福

燕升雲

馬兆祥

趙開元

李秉仁

妻余氏等

張鍾睿

張圖河

妻吳氏等

張樹功

楊母氏等

張儒孝

張昀

等十人

張榮庚

張友芬

楚維寶

楊沛霖

子縉

郭長久

王世廷

黃發裕

艾如蘭

李光裕

趙俊

馬恩祥



周鴻

王開賢王用賢

李瑞趙向宸

劉榮

楊友文

李端魯宗堯

徐奠南弟鎮南

龍占魁

李笏

郭清

濮文致

張國彬

龔約

艾炳南馬相廢等

周雙貴

唐萬春

張永清

嚴萬年

嚴澍

卜嘉樂

范成章

李洲

狄槐

馮繼武

莊成

段萃文

廖宣

董丹書楊煜閻

石虎臣

丁崇善

洪鍾慶胡維森等

游驩

劉復旦

劉正國

段定邦

黨名儒

武登秀

陳國祥

陳起龍

李應春

楊懷芳



新纂雲南通志卷二百八

忠節傳一

我國忠義之士自古有之至春秋時孔子有殺身成仁之說戰國時孟子有舍生取義之說此種學說一倡遂能激勵人心養成爲國捐軀美德以故二千餘年每遇鼎革時期或戰爭事故其犧牲生命擁護國家者動以千百人計此等精神皆得力於殺身成仁舍生取義之教宋文天祥殉國時其衣帶中贊語亦以孔曰成仁孟曰取義諄諄言之知其服膺於孔孟學說者久矣滇俗樸厚忠義素不後人觀舊志忠義傳所載與孔孟成仁取義之旨若合符節茲特根據舊志加以採訪彙而錄之俾後人有所取法其不曰忠義而曰忠節者因本志另有義行一門避複也

新纂雲南通志

卷二百八

忠節傳一

雲南府一

明

雲南府一

明

朱朝冠字子儀嵩明人嘉靖壬子舉人官漢中府通判督師往征何勉屢戰皆捷賊火焚營朝冠往救被焚死一統志

楊廷瑚昆明人嘉靖間歲貢值土賊阿旦之亂郡守往討廷瑚率鄉兵助之奮勇力戰死於陣比明縣志

吹笛軍昆明人不知姓名精笛音嘉靖七年尋甸安銓叛官兵討之軍隨營偶爲安酋擄去令教土人鼓吹偵者不得虛實甚憂之吹笛軍乃造曲云安家只有三千軍前頭是男子後頭是婦女殺進來殺進來師中知音者上白遂進兵克之安孽知之被醢比明縣志

王政舉字存吾易門人隆慶甲午副榜任霑益學正擢綿竹知縣有





善政民建生祠以祀致政歸萬曆二年野賊犯滇攻城政舉與其徒夜縋城出請援後先失道政舉奔海營突遇賊奮力直鬪勢不支罵

賊死易門續志

唐俊德祿豐人舉人萬曆三十五年鳳賊攻掠縣城俊德同生員周之麟百戶陳宰士官李印血戰死雍正志

程坤昆明人以武進士為幕府贊畫天啟間授四川總兵中軍守備會西路梗絕坤率兵赴援至畢節城陷被執不屈死參雍正志雲南府志

周嘉映字伏龍中衛人天啟間以武舉署霑平守備時正發兵援蜀嘉映知霑益諸夷多異志乃以密書告變謂蘭州之患遠在千里霑

益之變近在目前宜密為之備語洩諸夷恨之後從參將尹啟易討賊馬躡為賊所害雲南府志

新纂雲南通志

卷二百八 忠節傳一 雲南府一 明

二

李悉達羅次人天啟甲子舉人任夔州知府多惠政流賊陷城死之

雲南府志

余士泰昆明人天啟甲子舉人任石阡府推官上計次襄陽值張獻

忠之亂城陷死之雍正志

劉惟馨昆明人天啟丁卯舉人任鄜州知州適流賊圍城率眾拒守

城陷罵賊被刺而死雍正志

楊膚易門人諸生崇禎五年蠻賊攻城被執罵賊而死雲南府志

虞引昆明人崇禎間任濟南府同知戊寅守東北城城陷赴火死雍正志

羅銘鼎三泊人崇禎間舉人官四川威茂兵備道攝按察使篆張獻

忠之亂拒賊守城城陷被執不屈罵賊而死妻段氏攜三子兆鶴兆

桂兆昌投水死雍正志



李開元字台輔易門人崇禎間舉人任大足知縣擢合州知州績著廉明再擢慶陽知府未即行流寇陷城整衣冠而死易門縣志

陳爰詢昆明人崇禎庚辰歲貢任南溪訓導待士忠恕時流寇亂蜀

爰詢力陳防禦之策巡撫某委署屏山知縣及賊寇馬湖爰詢走烏

蒙乞兵救援馬湖恢復以功授本府推官復傾囊募士軍聲大振未

幾叙州失機馬湖復陷爰詢誓死報國至中途心忽大痛厲聲曰吾

生不能滅賊矣死將訴之上帝陰擊之語未竟墜馬卒雲南府志

馬雲程字騰萬易門人貢生任新津知縣張獻忠犯成都分守北門

悉力防禦中礮死二子收葬父屍同時自縊雲南府志

高人龍易門人兩中副榜任灌縣知縣張獻忠攻城城陷與壻某同

日自縊死雲南府志

司慎昆明人沐天波參隨沙定洲反襲天波直入府第慎叱之定洲

解衣露甲抽佩刃率衆排闥入慎力拒被刃刺胸而死雍正志

陳大經字爾至昆明人少慷慨有才略善騎射兩中武舉沐天波延

與贊畫吾必奎叛大經典大西門防守及沙賊之變天波倉皇走城

上欲出亡大經叩馬諫曰尙有日月營兵在殺賊不勝行未晚也時

奸人于錫朋隨天波每陰爲沙賊地忌之以目視天波天波疑其見

誘抽刀殺大經而去雍正志

徐高遷昆明人沐天波裨將沙賊陷城高遷募兵援勦而人無鬪志

知事不可爲舉家閉門自焚死雍正志

陳爰謀昆明人舉人原任知府致仕家居沙賊破城逼欲用之不屈而死雍正志



向六馬老三皆昆明人沙賊反陰約敢死士十人書報國二字爲號  
共圖賊不克俱被害雍正志

張所知字誠我安甯人歲貢任雲南縣訓導沙賊之亂所至屠戮縣  
令衛弁皆聞風潛遁所知獨不去遂遇害安甯州志

蔣之彥昆明人諸生明末孫可望入滇聞之彥才羅致之之彥與家  
人決曰我往必無生理宜收我骨葬先塋側及見可望強署以官不  
受罵賊賊杖殺之道光志

謝天禎字集祥昆明人國子司業履忠之祖也世襲指揮使爲人孝  
友謙和惟以濟人利物爲心丁亥四月流寇孫可望入滇垣禁民夜  
間偶語張燈偵有犯者以石灰塗門爲標識然後按標識而屠戮之  
時天禎充保正與同邑鄉約繆福基知之不顧生死福基沿街大呼

曰來矣來矣迅逃迅逃天禎則以濕巾滌其標識獲救甚衆後爲賊  
黨所知天禎被砍其手福基被割其舌同遇害後人於城隍廟前祠  
祀之師齋隨筆

按道光志作天正入清代今攷正

段伯美晉寧人崇禎壬子舉人余繼善耿希哲皆晉寧人諸生丁亥  
四月流寇屠晉寧伯美等助知州冷陽春守城同殉難明史席上珍附傳參探訪

張孔鑄字能五晉寧人廩生流寇之難孔鑄死之晉寧州志參探訪

李開芳富民人貢生孫可望等陷城其妻及二子俱赴井死開芳走  
至松花壩自經其友王朝賀掩埋訖亦自經在籍知縣陳昌裔不受  
僞職爲賊杖死明史席上珍附傳

伍傑昆明人當沐天波出走時與沙定洲力戰死乾隆間縣人孫髯



作伍義士詩紀其事

昆明縣志

王來儀字仲威昆明人舉人任吳縣教諭歷官應州知州性耿介與上官不合歸甲申歲聞變門人王錫袞督師赴難來儀涕泣相對勉以忠孝丁亥流寇入滇罵賊而死

雍正志

劉撫昆明人舉人任戶部主事爲闖賊所執三木橫加折一足未死歸至滇流寇招之授以督學撫曰在京師不死已無面目見先皇豈復爲賊官耶大罵而死

雍正志

劉昌應右衛人武進士明末爲參將流寇入滇倡起義兵屢與賊戰被執不屈罵賊而死

雍正志

施于京昆明人諸生流寇破城闔門自焚

雍正志

嚴賓昆明人流寇入滇闔家自縊死

雍正志

新纂雲南通志

卷二百八

忠節傳一

雲南府一

明

五

楊思義昆明人流寇入滇聞田主嚴賓殉節與妻陳氏投井死

雍正志

楊樹烈昆明人任南川知縣致仕歸流寇潰兵屠掠舉家倉皇奔避樹烈獨置香案著衣冠北面再拜自縊死逾月家人回視面色如生

雍正志

譚三謨昆陽人貢生任臨安府教授歸流寇破城闔家自縊

雍正志

張如良昆陽人貢生持己清慎流寇之亂與子景輝景曜及妻媳一

門殉節

雍正志

莫貴德宜良人子可及靖州知州流寇屠城謂妻麻氏曰子受國恩身蒙寵錫當以身殉同赴井死

雍正志

唐懋俊字玉甫晉寧人貢生任師宗訓導丁亥歲流寇屠師宗與署知州徐道興督率民兵竭力防禦城破罵賊賊支解之子帝臣殉難



次子帝命拾父首改葬事見孝友傳

雍正志

李守質昆陽人貢生任江夏訓導流寇至分守西城城陷不屈罵賊

死

雲南府志

王謨昆陽人貢生品行端方事母以孝聞流寇至被執不屈死之

雲南府志

李方泌昆陽人諸生性孝友流寇臨境棹舟避難賊掠之夫婦罵賊

抱子投水死

雍正志

陳九蛟年九十二洪文彬年九十一皆昆陽人素相友善丁亥歲流

寇至滇兩人誓不見賊相約叙別各自縊死

雲南府志

郭崱昆明人歲貢生任楚雄訓導沙賊之叛與參議楊畏知首倡大義建策守城時賊攻楚雄其妻葛氏曰我先死勿致君累庶可盡心為國遂投井死及流寇入滇崱毅然赴省陳說大義寇釋之去至楚

雄奉畏知檄往各府調兵畏知與流寇戰於獅子口兵敗對孤守大

理孫可望兵至對以言忤觸被杖死

雲南府志

羅正符字玉湯安甯人博學工文流寇入滇遣偽將曹名臣駐州縱

兵搜掠凌虐士大夫正符憤怒一賊至其家令老僕執斧斫之不中

賊縛正符不屈而死

安甯州志

朱荃安甯人孝行純篤隨父化孚官江南不忍歸娶後歸值丁酉王

自奇之亂荃寓趙州不屈而死

雍正志

單武襄昆明人貢生戊戌遇潰兵闔家舉火自焚書於門曰一門完

節

雍正志

李先芳字上林宜良人庠生性倜儻永歷戊戌冬賊兵潰敗大肆劫

掠先芳閉戶積薪同母李氏妻安氏弟婦董氏史氏楊氏姪壽祿並



姪女等舉火自焚而死邑令旌其門曰風誰與高後奉旨建坊入祠

世襲雲騎尉宜良縣志

王需之宜良人為人粗直有膽氣己亥年清兵入滇明潰兵逃竄四出邑人皆遠避需之曰與其死於彼孰若死於此即縱火自焚其居需之自火中躍出斬數賊復跳入火中一門少壯皆死宜良縣志

張何明呈貢人本姓何己亥年潰兵肆掠舉火自焚死呈貢縣志

寇覲明昆明人歲貢生任永昌訓導己亥年永昌城破覲明謂子諸萊曰為臣盡忠為子盡孝吾受國恩義難苟免潛至北門外束冠帶

自縊死雲南府志

清

魏翥國昆明人康熙中以行伍除永北營把總遷千總叙定西藏功

新纂雲南通志 卷二百八 忠節傳一 雲南府一 明清 七

授守備雍正二年權都督僉事是年魯魁山夷賊方景明陳阿巴等肆劫復糾黨擾茶山翥國以兵三百進剿擒阿巴斬之以功遷尋霑營遊擊武定營參將先是法夏伙目祿天祐殺東川營兵潛遁詐言已死其妻沙氏理夷事縱黨焚掠適烏蒙夷因改流亦潛圖叛逆翥國擒其黨沙世鳳鞠實以狀達總督鄂爾泰督兵覆其巢賊潰沙氏墜崖死擒天祐誅之東川平此五年事也七年擢銅仁協副將尋移雲南中軍副將八年晉臨安鎮總兵是秋烏蒙降夷祿鼎坤子萬福聚眾叛掠東川翥國往剿鼎坤弟鼎明潛伏路側乘間刺翥國傷膝翥國斬鼎明馬下裹創奮擊連破賊壘冬以創重卒事聞賜祭葬十年追念翥國戰功命入賢良祠祀之道光志

李焜昆明人康熙戊子舉人任烏蒙教授雍正八年祿逆作亂死於



學宮道光志

李發早昆明人武舉任東烏千總祿逆作亂拒賊於鐵爐山小天底  
隨救總兵劉起元陣亡道光志

馮志英昆明人官鎮雄把總奉調赴烏蒙考驗適祿逆背叛志英見  
將弁怯懦憤甚匹馬入賊營連破五賊以馬尾繫賊首二手提賊首  
三飛騎回城厲聲唾人面罵曰爾輩受國恩平時享富貴今日不決  
一死戰辱國喪心何面目復生於世耶復馳賊壘與劉崐合血戰殺  
傷無算馬躓徒手步戰轉鬪力竭歿於陣事聞賜卹葬廕一子衛千

總鎮雄州志

張朝輔開化鎮千總潘元勳武舉開化鎮把總皆昆明人雍正十年  
出師普洱駐阿扒賊夜劫營衆兵皆歿元勳戰死朝輔猶手刃十餘

新纂雲南通志

卷二百八 忠節傳一 雲南府一 清

八

賊力盡而死道光志

羅資袞安甯人武舉貴州平越營千總署守備乾隆元年苗犯台拱  
資袞奮力禦敵陣亡廕其子雲標守備恩賜祭葬道光志

劉天佑永順鎮標都司魏礫東川營守備方沛督標千總張禧督標  
外委皆昆明人乾隆三十一年出師緬甸陣亡廕卹如例道光志

魏金邦貴州丹江營守備楊洪開化鎮都司皆昆明人乾隆四十年  
出師金川陣亡廕卹如制道光志

江紀昆明人督標守備乾隆四十年出師永昌陣亡廕卹如制道光志

陳融昆明人督標外委乾隆六十年出師黔楚陣亡廕卹如制道光志

熊芝林乾隆壬子武舉曲靖協千總李占元武舉貴州下江營把總

皆昆明人嘉慶元年出師黔楚陣亡廕卹如制道光志



崔崑武舉尋霑營守備李春先督標千總折文舉昭通鎮千總國正  
貴州大定協把總馬河圖陳惠督標把總徐興祖鶴麗鎮外委徐東  
昇鎮雄營外委牛占壩乾隆乙卯武舉李燦章武舉皆昆明人嘉慶  
二年出師興義陣亡廕卹如制

道光志

孫大猷字鴻圖昆明人寄籍開化幼好學遇老人授以兵法始投筆  
從戎官開化千總出師緬甸隨征金川身經五十餘戰取木城六奪  
碉三十手殺番夷數十面縛酋首索諾木兩受鎗傷擢曲尋守備調  
昭通嚴肅營伍兵民安堵洊歷督標游擊黔苗不靖調領滇兵往剿  
生擒首逆七縉鬚遷台洪參將賞戴花翎尋授清江協參將川匪滋  
事經略勒保命統廣東江西陝甘雲貴六省官兵經六十餘戰梁山  
之役殺賊七百餘人賊據險我師力攻不下大猷身先士卒歿於陣

新纂雲南通志

卷二百八

忠節傳一

雲南府一清

九

得旨賞銀六百兩給以葬祭世職祀昭忠祠

道光志

謝天保臨元鎮把總王尊督標把總李三元永北營把總皆昆明人  
嘉慶二年出師四川陣亡廕卹如制

道光志

石鼎臣劍川營都司涂得海貴州新添營都司李國賓騰越鎮守備  
李連發貴州提標守備黃起鵬大理城守營守備嚴正督標千總楊  
茂昭通鎮千總王必貴督標外委吳英永北營外委何崙武定營外  
委皆昆明人廖思魁武舉永昌協千總富民人並嘉慶三年出師四  
川陣亡廕卹如例

道光志

陳選武舉昭通鎮標游擊陳騰龍武舉臨元鎮標都司折飛熊武進  
士劍川營都司趙祥武舉昭通鎮標守備余天貴昭通鎮標千總張  
誠廣東肇慶協把總何崑撫標左營把總吳成貴州都勻協外委李



珍楚雄協外委黃超督標外委張洪勛東川營外委陳榮先督標外委劉漢玉雲南城守營外委皆昆明人姜夢熊永昌協千總安甯人並嘉慶四年出師四川陣亡道光志廕卹如例

資尙培晉寧人乾隆乙卯武舉官督標把總嘉慶四年出師四川陣

亡廕卹如制探訪

王致中昆明人撫標外委嘉慶四年出師四川追賊至東鄉縣過河

溺斃廕卹如制道光志

汪榮貴州威甯鎮把總張恩錫臨元鎮把總張有永昌協外委趙成

龍撫標外委皆昆明人嘉慶五年出師四川陣亡道光志

楊春榮湖北竹山營游擊閔亮督標把總並嘉慶六年出師四川陣

亡道光志

方儀貴州安義鎮外委嘉慶七年出師四川陣亡廕卹如制道光志

安朝聘臨元鎮守備黃元吉武舉雲南城守營千總朱國良督標把

總陸兆宗鶴麗鎮把總畢萬春楚雄協把總陶正陽武舉皆昆明人

嘉慶七年出師維西陣亡廕卹如制道光志

鄒有福鶴麗鎮外委李興然雲南城守營外委皆昆明人並嘉慶八

年出師四川土門子陣亡廕卹如制道光志

熊振先晉寧人曲尋協外委嘉慶八年出師四川土門子陣亡廕卹

如制探訪

張尙忠昆明人世襲雲騎尉道光元年出師大姚插苴西北山梁陣

亡廕卹如制道光志

朱曰恭昆明人由行伍累功至騰越鎮中軍游擊道光二十五年保



山縣匪滋事隨提督張必祿赴羊邑堵剿八月匪攻陷丙麻一帶官兵營壘曰恭奉檄回永昌協守九月匪黨圍攻金雞村軍營曰恭率兵往援爲賊鎗傷左目獨奮力迎擊立刃數賊即時陣亡事聞廕卹如例

清史列傳

繆志林昆明人由行伍累官至順雲營守備道光二十六年永昌匪滋事志林奉檄協勦三月進至長灣遇賊力戰衆寡不敵陣亡事聞

廕卹如例

清史列傳

盧映鴻昆明人道光丁酉科武舉撫標右營把總道光二十八年調赴湖北助勦太平軍某月日在省城外陣亡事聞廕卹如例

光緒志

楊慶昆明縣人督標中營外委咸豐元年奉委赴廣南府防勦太平軍九月十二日瘴故於府屬之飯朝事後廕卹如例

光緒志

新纂雲南通志

卷二百八

忠節傳一

雲南府一

清

一一

李逢春富民人撫標右營把總咸豐元年出師廣西在隆安縣屬陣亡事聞廕卹如例

光緒志

李廷楷昆明人由行伍累功至儘先升用參將賞換花翎太平軍陷永安州廷楷奉調赴大營進勦咸豐二年正月隨提督向榮督兵攻東礮臺紅廟等處疊毀敵壘數座復率隊圍攻西礮臺奮勇先登被

礮陣亡事聞廕卹如例

清史列傳

李祥麟昆明人由武舉累功至千總咸豐二年隨總兵李能臣進剿廣西金田營於佛子口敵分三股撲營祥麟率兵迎擊首先陷陣受傷死之同日雲南撫標把總李茂相繼陣亡事聞均廕卹如例

清史列傳

慶桂森昆明縣人道光己亥科舉人咸豐三年大挑二等以教職用

由京回籍正月十八日途次河南鄭州遇賊被害

光緒志



郭承勳昆明武生成豐三年五月二十九日在東川母豬哨剿匪陣

亡光緒志

廖相昆明人由武舉官撫標左營千總咸豐三年出師東川追剿馬二花中槍陣亡同時督標把總喬廷樑亦歿於陣事後並廢卹如例

光緒志

傅士珍昆明人道光五年舉人十五年大挑二等二十年進授羅平州學正二十八年以隨征永昌功雲貴總督林則徐請以知縣用報可二十九年選授山東城武縣知縣咸豐二年正月兼署夏津縣知縣十二月以捐助軍餉加同知銜山東巡撫李德檄赴曹縣辦理糧台旋飭士珍帶勇馳援河南懷慶師還調署冠縣知縣四年三月太平軍以冠縣士珍率文武登陴固守疊次出戰殺敵千計敵大至四

新纂雲南通志

卷二百八

忠節傳一

雲南府一

清

一一

面樹雲梯環攻城陷手執短刀巷戰殲敵數十力竭被執罵敵甚厲敵支解之妻楊氏妾朱氏姊王傅氏偕士珍兄子企灝及二女均罵敵死之幕友與男女僕從相率殉者數十人事聞得旨照陣亡例從優議卹並立專祠楊氏朱氏王傅氏傅企灝及士珍二女並幕友王錫藩潘遵誥王汝庚鄒學鈞劉家驥王樹人王壽昌秦豐城均議卹附祠有差予世襲雲騎尉子培基同治十三年進士刑部主事改官

直隸知縣兼世襲職

參光緒志及傅士珍傳

楊沂安甯人由武學官元新營千總咸豐五年九月派剿廠匪戰歿於元江屬之夏寨江邊事後廢卹如例

光緒志

金毓文昆明人增生成豐六年四月十七日新興匪首馬凌漢竄擾省城南門外毓文率團倉猝禦賊力絀被害事後卹如例

光緒志



金聘金毓寶皆昆明附生咸豐六年四月十七日在省城南門外同時被害事後卹如例光緒志

馬吉馬文起馬來鴻均宜良文生成豐二年四月廿四日匪陷縣城吉等同日仰藥以殉事後均卹如例光緒志

陳宗舜曹健沈錦春李天培時英賢均宜良文生成豐六年四月二十四日匪陷縣城宗舜等同日陣亡事後均卹如例光緒志

張奏凱 人由 官 外委咸豐六年五月隨開化鎮遊

擊巴哈布剿宜良江頭村匪奏凱越壕健進縱火焚其棚為賊礮洞其胸立刻陣亡事後廢卹如例光緒志

李萬清 人元新營 司 哨外委咸豐六年隨同知孔昭鈞剿尋甸羅沖匪五月乙丑我軍分三路並進萬清等奮力戰賊已敗竄

與把總魏增祥率兵追剿適左右兩路練勇先退賊遂悉銳圍之萬清奮矛馳擊與增祥均以力竭陣亡事聞廢卹如例光緒志

魏增祥 人由 官元新營把總咸豐六年隨同知孔昭鈞進

剿尋甸羅沖匪五月乙丑我軍分三路並進增祥奮勇陷陣賊已敗竄增祥率兵追剿適左右兩路練勇未及交綏即退賊遂悉銳圍之

增祥力戰陣亡事聞廢卹如例光緒志

李定邦嵩明人已酉科拔貢咸豐六年率團隨同知孔昭鈞剿尋甸羅沖匪六月己酉與賊戰於塘子定邦奮勇迎擊中鎗陣亡事聞廢

卹如例光緒志

段裕林 人外獎外委咸豐六年隨剿昆陽州海口匪六月二十

五日戰歿於彩鳳山事後廢卹如例光緒志



黃河清呈貢文生成豐六年隨剿激江匪營於中關是年六月營陷陣亡事後卹如例光緒志

賀福昌昆明人撫標額外千總咸豐六年剿昆陽州匪八月初一日在州屬之海口力戰陣亡事後卹如例光緒志

昌應蘭呈貢文生成豐六年匪竄陷呈貢十一月十八日被害事後卹如例光緒志

李占春武舉候選衛千總咸豐六年隨剿海口匪戰歿於昆陽州之彩鳳山事後廢卹如例光緒志

秦保昆明人撫標左營外委咸豐七年正月十三日遇賊於呈貢縣屬之江尾村被戕事後廢卹如例光緒志

朱魁昆明人候選訓導咸豐七年奉檄團練二月初十日在安甯州

獨樹舖剿賊陣亡事後卹如例光緒志

李長清昆明人雲南城守營雲騎尉世職咸豐七年五月在縣屬之石虎崗剿賊陣亡事後廢卹如例光緒志

高定川 人督標額外咸豐七年隨同剿賊營於袂補四月二十八日在官寨接戰中鎗陣亡事後廢卹如例光緒志

毛世榮呈貢文生成豐七年五月匪竄呈貢率團堵禦營陷執不屈遇害事後卹如例光緒志

戴光照安甯文生成豐七年五月率鄉勇禦賊於州屬之羊塢里力戰陣亡事後卹如例光緒志

王炳昆明文生以功保訓導咸豐七年五月二十五日在縣屬之九甲禦賊營陷被害事後卹如例光緒志



沐廷禎祿豐廩生成豐七年閏五月匪犯縣城廷禎率團禦之力戰陣亡事後卹如例光緒志

張春昆明人雲騎尉世職成豐七年閏五月二十日在省城西關外土堆村禦賊陣亡事後卹如例光緒志

葛文炳昆明人道光辛亥科副榜成豐七年閏五月十三日在縣屬之馬街子督鄉團剿賊與其子葛湘葛佳同日陣亡事後均卹如例

光緒志

廖友直昆明武生補用千總成豐七年閏五月二十一日在縣屬之石虎崗陣亡事後卹如例光緒志

陳天柱昆明人咸豐壬子科舉人七年曲江匪首馬如龍犯省天柱率練勇擊之閏五月二十一日在毘盧寺兵潰陣亡事後卹如例光緒志

新纂雲南通志

卷二百八

忠節傳一

雲南府一

清

一五

岳相堯昆明人丁酉科舉人咸豐七年閏五月二十一日在縣屬之

大磨盤勦賊陣亡事後卹如例光緒志

栗慶春昆明人由武舉入督標中營投效成豐七年閏五月二十一

日在南城外勦賊陣亡事後廕卹如例光緒志

岳亮彩昆明歲貢咸豐七年閏五月二十一日在縣屬之大磨盤勦

賊陣亡事後卹如例光緒志

谷澄雲南府學廩生成豐七年閏五月二十一日在羊郎里勦賊陣

亡事後卹如例光緒志

李蔭昆明廩生成豐七年閏五月二十一日賊圍省城火南關蔭率

子澍芬孫元生自焚以殉事後卹如例光緒志

季勳季愈亮均昆明庠生成豐七年閏五月二十一日賊擾省垣勦



投河愈亮在小壩遇賊被害事後均卹如例光緒志

楊恩培昆明附生成豐七年閏五月二十一日匪犯省城恩培率妻

洪氏及其幼子自裁以殉事後均卹如例光緒志

陳桐昆明附生成豐七年閏五月曲江賊犯省城焚南關桐聞警不

避二十一日賊至桐遂殉難事後卹如例光緒志

陳之燾昆明文生成豐七年閏五月二十一日在縣屬大魁殿率團

勦賊陣亡事後卹如例光緒志

董祐昆明武舉咸豐七年閏五月二十二日在省城東關外雲津鋪

勦賊陣亡事後卹如例光緒志

石生輝昆明庠生報捐訓導咸豐七年閏五月二十三日與其子廷

琛由九甲赴省城請領軍火路經賊營力戰陣亡賊遂攻破九甲生

輝眷屬子女共二十餘口同以是日殉難事後均卹如例光緒志

姜載周雲南府學庠生成豐七年閏五月二十三日在省城外遇賊

被害其妻亦閉戶自焚光緒志

張開文祿豐廩生成豐七年閏五月率團勇馳援省城是月二十三

日在西城外戰歿事後卹如例光緒志

司軾昆明附生成豐七年閏五月二十四日匪竄擾縣屬之五岳鋪

軾被執罵賊死之事後卹如例光緒志

李傑昆明舉人原任石屏州訓導咸豐七年閏五月賊犯省城焚東

南關傑遇賊於五華寺罵賊被害子延祐亦同日殉事後卹如例光緒志

鄭嘉賓昆明人文童咸豐七年五月匪圍省舉家失散嘉賓隻身逃

至富民聞省城焚殺搶掠備極凶殘因念母老弟弱合家生死未卜



如何六月中因隨官軍援省奮勇當先戰於蘇家營被執罵賊遇害其弟嘉銳雲南府學廩生在省聞兄嘉賓遇害奮不獨生賦絕命十首遂投北門外之蓮花池殉難事後均卹如例光緒志

王承志昆明庠生成豐七年閏五月在省城外罵賊被害事後卹如

例光緒志

繆萬清昆明庠生成豐七年閏五月匪犯省城萬清投河以殉事後

卹如例光緒志

朱明遠昆明庠生成豐七年閏五月在省城南關外中堆罵賊被害

事後卹如例光緒志

張鑫昆明附生成豐七年閏五月在省城南關外遇賊被害事後卹

如例光緒志

傅濟川昆明附生成豐七年閏五月在省城南關外遇賊被害事後

卹如例光緒志

楊佩芬昆明庠生成豐七年閏五月匪犯省城佩芬率合家投盤龍

江以殉事後卹如例光緒志

孫丕烈昆明庠生成豐七年閏五月在省城外矣苴堡陣亡事後卹

如例光緒志

陳嘉謨昆明附生成豐七年閏五月在九甲率團防堵營陷遇害事

後卹如例光緒志

張樹功雲南府學庠生成豐七年閏五月在昆明縣屬之雙龍橋勦

賊陣亡事後卹如例光緒志

楊樹培昆明庠生成豐七年閏五月在南城外為賊所執不屈死之



事後卹如例光緒志

吳錦培昆明歲貢咸豐七年閏五月率鄉團在縣屬之小街子勦賊衆潰被執罵賊遇害事後卹如例光緒志

陸彭雲雲南府學廩生成豐七年閏五月在昆明縣屬之小莊村率團勦賊陣亡事後卹如例光緒志

陸沛雲雲南府學廩生成豐七年閏五月匪犯省城沛自裁以殉事後卹如例光緒志

袁系昌昆明庠生袁士昌雲南府學增生咸豐七年閏五月在省城外遇賊被害其全家亦同日殉難事後均卹如例光緒志

趙廷璧昆明人府學增生咸豐七年閏五月匪犯省城璧投河以殉同日其母楊氏弟嘉言妻全氏弟媳謝氏及一子二女皆投河殉難

事後均卹如例光緒志

楊維賢子本廉昆明庠生成豐七年閏五月匪犯省城維賢父子投盤龍江死之其眷屬亦投井殉難事後均卹如例光緒志

孫超昆明人軍功六品銜咸豐七年閏五月在省城南關外勦賊陣亡事後卹如例光緒志

楊友桂昆明人例授從九職銜咸豐七年閏五月率團勦賊在縣屬之白鶴觀陣亡事後卹如例光緒志

楊文華昆明人從九職銜咸豐七年閏五月匪犯省城文華率團防勦衆潰陣亡事後卹如例光緒志

陳永甯昆明人咸豐七年閏五月二十五日因匪犯省恐受凌辱率長媳劉氏次媳朱氏次孫天驥孫女趕年及已嫁之姊妹段陳氏甥



段滿親誼曹李氏幼童曹小均同日殉難

昆明縣志

倪應敏昆明人議叙從九品咸豐七年六月初二日在城外玉皇宮

遇賊被害事後卹如例

光緒志

熊有功 人督標中營効用雲騎尉咸豐七年六月十五日在太

和街勦賊陣亡事後廕卹如例

光緒志

劉占甲 人歷官 千總咸豐七年六月率兵練勦巨木塊匪

二十一日賊悉銳迎拒占甲奮勇力戰以寡衆不敵立亡於陣事聞

廕卹如例

光緒志

周得明昆明人撫標外委咸豐七年六月二十六日在縣屬蓆子營

禦賊陣亡事後卹如例

光緒志

徐永謙昆明人監生成豐七年六月二十六日在富民屬之橫水塘

新纂雲南通志

卷二百八

忠節傳一

雲南府一

清

一九

率練勇勦賊陣亡事後卹如例

光緒志

蘇介生富民庠生楊應坤富民監生成豐七年六月率鄉甲援省城

在昆明縣屬之栗煙村戰歿事後均廕卹如例

光緒志

高銓昆明人由行伍拔補把總咸豐七年匪犯省城銓奉派營於省

城之外橫水塘是年七月營陷戰歿事後廕卹如例

光緒志

尹翊襄昆明人縣丞職銜咸豐七年五月在省城外禦賊中鎗至七

月十一日傷發身故

光緒志

楊捷驥 人由 官千總駐防彌渡咸豐七年七月庚寅蒙化

賊犯彌渡捷驥率兵勇奮力搏戰時分防紅岩雲南驛各營先陷力

不能支捷驥死之事聞廕卹如例

光緒志

劉占魁昆明人已亥科武舉咸豐七年隨勦楊林匪七月十一日陣



亡事後卹如例光緒志

馬玉良

人督標把總咸豐七年七月二十日在省城東關外勦

賊中礮陣亡事後廢卹如例光緒志

張敦孝昆明人儘先把總咸豐七年七月二十二日隨勦省壩匪在

普基中鎗陣亡事後廢卹如例光緒志

杜福昆明人官永昌營外委咸豐七年七月二十五日在雲南縣屬

之大興村勦賊陣亡事後卹如例光緒志

施梯昆明人六品軍功咸豐七年七月二十六日在省城外揚宣坡

率團禦賊力戰陣亡事後卹如例光緒志

趙天泰昆明人增生咸豐七年八月初十日在縣屬之栗煙村勦賊

陣亡事後卹如例光緒志

王松齡昆明人九品職銜咸豐七年八月雲州匪首蔡發春率悍賊

萬餘圍攻蒙化松齡時在同知鄧國煊幕中賊用地雷轟倒城垣蜂

擁而上松齡力護倒口率民兵血戰竟日城賴以全二十二日守西

城川勇為賊內應城陷松齡與其子庠生熙文童燾均被執不屈同

日罵賊死之事後均卹如例昆明縣志

陳彬昆明人辛亥科武舉咸豐七年匪犯省彬率練勇由迤西回援

八月戰於西關外之栗煙村被創陣亡事後卹如例光緒志

王開錡 人官蒙化汛千總咸豐七年八月二十二日在開化府

城勦賊陣亡事後卹如例光緒志

王錫齡昆明人文生成豐七年八月二十三日在省東大板橋棠梨

坡勦賊陣亡事後卹如例光緒志



李虎臣昆明人辛亥科武舉咸豐七年閏五月匪犯省虎臣率鄉勇禦之九月初一日戰於小壩衆潰陣亡事後卹如例光緒志

門國安昆明人官騰越鎮都司咸豐六年以助勦昆陽海口功加遊擊銜署武定營參將七年匪犯省國安率兵勇赴援由富民一帶大小數十戰始達省城北關外之范家營十月初二日進攻鐵峯菴賊壘被傷陣亡事聞卹如例光緒志

楊福昆明人官龍陵營外委咸豐七年十月十一日在省城西關外紅廟勦賊陣亡事後卹如例光緒志

燕升雲昆明人行伍儘先遊擊鎮雄營守備咸豐七年十一月二十八日在貴州勦辦苗匪陣亡事聞廕卹如例光緒志

馬光祥昆明人督標中營把總咸豐八年正月二十二日奉檄勦賊

遇害事後廕卹如例光緒志

趙開元昆明監生事親孝而性忠實丁巳大亂省會戒嚴開元居城外潛夜將叔祖母并其親及女眷數人縋入城復至家衣冠坐堂中

罵賊遇害光緒志

李秉仁昆明城東菊花村人性樸誠忠厚丁巳大亂秉仁見城鄉燒毒姦搶深思細弱重累難免辱害偕妻余氏子二人女二人闔戶服毒積薪自焚死尤烈至今村中人每道及爲之泣下焉光緒志

張鍾睿昆明人咸豐丁巳年匪犯省偕妻楊氏閉門殉難光緒志

張圖河雲南府學附生丁巳之變同妻吳氏子樹芳樹基樹葵閣門

殉難光緒志

張樹功昆明人庠生成豐丁巳年匪犯省燒殺城外樹功奉母楊氏



妻陳氏子思誠及老僕婢三人闔門自焚殉難事後卹如例光緒志

張儒孝昆明人咸豐庚申年奉母錢氏送姪女至晉甯州完婚激江

匪突來撲城城陷儒孝匿母於僻巷自往禦賊與悍賊遇自知眾寡

不敵遂撲火死姪女亦投井死光緒志

張昀張昀張智張榮光張鴻文張治河張德雲張荻生張菘生張筠

生均昆明人咸豐丁巳年匪犯省燒殺城外二十四鋪先後遇賊殉

難菘生之母李氏筠生之母耿氏亦隨子殉難死之光緒志

張榮庚昆明人丁巳之變賊破扉入被執妻龔氏抱護不釋賊怒殺

之皆斷其首光緒志

張友芬昆明人咸豐戊午年遇賊於普自村被執不屈受傷死之光緒志

楚維寶昆明人住南城外咸豐七年匪撲省寶約同本街團練前往

禦堵以眾寡不敵死之妻李氏聞變亦投井殉節光緒志

楊沛霖晉甯人貢生僑寓省城教讀咸豐七年賊圍省燒殺甚慘沛

霖懼害偕妻自縊死子縉廩生亦殉節採訪

郭長久晉甯人幼嗜讀性剛勇咸豐七年州城被困長久出城迎戰

被執以大義罵賊賊割其舌長久仍舞蹈作罵狀賊繫於樹殺之分

其屍採訪

王世廷晉甯人其先治鐵為業為人慎言篤行咸豐七年激江賊徐

元吉率眾犯晉甯知州甘來旬命世廷往督義鐵廠採辦鎗炮運至

城內再命採辦鉛藥夜行至登瀛橋賊偵知被執挺身不屈賊解其

屍採訪

黃發裕 人雲南城守營雲騎尉咸豐八年正月奉派捕游匪被



戕事後廢卹如例光緒志

艾如蘭昆明人督標右營把總咸豐八年正月十六日奉檄撫匪抗拒不遵遂被害光緒志

李光裕昆明人督標中營把總咸豐八年正月十六日同艾如蘭撫匪遇害事後卹如例光緒志

趙俊昆明人外委獎千總咸豐八年二月初二日在省城外小壩勦賊陣亡事後卹如例光緒志

馬恩祥 人雲南城守營雲騎尉咸豐八年二月游匪滋事奉檄緝捕被戕事後廢卹如例光緒志

周鴻昆明人附生成豐八年二月在縣屬之九甲勦賊陣亡事後卹如例光緒志

新纂雲南通志

卷二百八

忠節傳一

雲南府一

清

一三三

王開賢王用賢均昆明人五品軍功咸豐八年三月隨石屏州知州葉燦章由晉甯州水道援省在舊門里四甲實豐菴同日陣亡事後

卹如例光緒志

李瑞雲南府文生趙向宸呈貢縣文生成豐八年三月 日隨勦

攻省壩匪同日陣亡於呈貢縣屬之漁村事後均卹如例光緒志

劉榮昆明人議叙縣丞咸豐八年三月初五日在縣屬七甲勦賊營陷陣亡事後卹如例光緒志

楊友文昆明文生成豐八年三月在河尾護送軍糧遇賊被害事後卹如例光緒志

李端昆明庠生成豐七年匪犯省城端偕魯宗堯團鄉勇禦之賊屢攻九甲皆為端所敗恨之刺骨八年三月賊悉銳圍攻營陷端與宗



堯均力戰死之事後俱卹如例光緒志

徐奠南晉甯人道光丁酉舉人教讀昆明小板橋咸豐丙辰奠南奉札率領鄉勇防堵廠匪來宿被殺從弟鎮南咸豐庚申馬鳳陷城巷

戰死採訪

龍占魁昆明人己亥科武舉撫標候補把總咸豐八年三月在省外

陞山勦賊陣亡事後廕卹如例光緒志

李笏晉寧人武生成豐八年激江賊徐元吉犯晉寧笏與賊力戰傷重被殺剖其心腹採訪

郭清字大來晉寧人庠生能繼父志友于兄弟二弟湘三弟淳當幼年時不惜重金延聘名士教授兩弟卒成名清後僑居省城開設行店咸豐丁巳充二十四舖團總馬如龍犯省焚南關外房殆盡清殉

難焉採訪

濮文致昆明文生成豐八年奉派赴維西協辦糧臺三月二十一日

匪攻廳城隨同官軍接仗陣亡事後卹如例光緒志

張國彬昆明人守備銜千總咸豐八年隨勦宣威四月初一日在松

詔關陣亡事聞廕卹如例光緒志

龔約昆明人由廩生官祿勸縣教諭咸豐八年四月匪由武定竄擾

祿勸城陷約及眷屬四口同時被害事聞廕卹如例光緒志

艾炳南 人武定營恩騎尉咸豐八年四月匪犯武定炳南率外

委馬相廕監生廖恩榮等登陴固守城陷炳南等奮力巷戰卒以無

援同時陣亡事聞均廕卹如例光緒志

周雙貴 人武定營雲騎尉咸豐八年四月匪犯武定雙貴率兵



民登陴固守卒以衆寡不敵城陷雙貴奮力巷戰身被重傷立時陣亡同日其眷屬五口皆被害事聞廢卹如例光緒志

唐萬春 人武定營撤甸汛外委咸豐八年四月匪攻撤甸萬春率兵團迎擊之衆潰萬春力戰陣亡眷屬六口亦同被害事聞廢卹

如例光緒志

張永清昆明人提補開化右營外委把總咸豐八年四月奉檄赴尋甸招撫十三日途次七星橋遇賊被害事後廢卹如例光緒志

嚴萬年昆明人外獎軍功咸豐八年四月十七日在武定州城陷被執罵賊遇害事後卹如例光緒志

嚴澍昆明人官龍陵營千總署武定營守備咸豐八年四月匪首楊振鵬田慶餘馬四大等率大股悍賊竄圍武定澍與署參將謝周綺

新纂雲南通志 卷二百八 忠節傳一 雲南府一 清 一一五

登陴固守癸亥賊用地雷轟倒城垣十餘丈冒死突入澍率兵勇數人奮力巷戰身被重創立時陣亡事聞廢卹如例光緒志

卜嘉樂昆明人捐職府經歷咸豐八年四月在羅次禦賊陣亡事後卹如例光緒志

范成章昆明人臨元鎮右營都司署鶴麗鎮中營游擊咸豐七年助勦賓川州匪八年五月二十五日賊分股圍撲官軍營壘成章力禦之中鎗陣亡事聞廢卹如例光緒志

李洲昆明人官千總咸豐八年八月二十日在縣屬之石虎崗陣亡事聞廢卹如例光緒志

狄槐昆明人廣西營右哨把總駐防邱北咸豐八年九月練目朱開甲糾合土匪潛入縣城槐率兵擊之被創陣亡事後廢卹如例光緒志



馮繼武

人督標左營把總補撫標左營守備咸豐八年十一月進攻昆陽海口匪巢力戰陣亡事後廕卹如例光緒志

莊成

人督標中營藍翎額外咸豐八年十一月日隨勦昆陽

匪在海口陣亡事後廕卹如例

光緒志

段萃文宜良附生成豐八年十二月匪焚掠縣屬之東村萃文自縊

以殉事後卹如例

光緒志

廖宣

人官昭通鎮標外委署吞都汛把總咸豐八年十二月在

吞都勦賊陣亡事聞廕卹如例

光緒志

董丹書安甯文生楊煜閻安甯武生成豐八年十二月匪圍省城丹

書煜閻率鄉團赴援九年正月攻克碧雞關賊壘乘勝進攻土堆被

創陣亡事後均卹如例

光緒志

石虎臣昆明人由進士累官至貴州候補同知直隸州知州署開州

事咸豐九年奉檄會勦甕安縣苗匪尋將縣城克復虎臣遂率所部

越境追勦匪黨設伏以俟我軍乘勝窮追賊伏猝起虎臣奮力督戰

被傷陣亡時正月二十三日也事聞廕卹如例

光緒志

丁崇善

人由

官晉甯州訓導咸豐九年二月澂江匪首馬

俸馬雙林馬合等犯州城戊辰賊攻入南門崇善率練丁迎擊手刃

悍賊一名賊攢矛交刺立時陣亡事聞廕卹如例

光緒志

洪鍾慶

人襲恩騎尉世職咸豐九年二月元江匪犯州城鍾慶

率外委胡維森文生施春煦督兵團迎擊之衆潰鍾慶維森春煦皆

力戰陣亡事聞廕卹如例

光緒志

游驩昆明人儘先把總咸豐九年二月十六日在省城外南教場勦



賊陣亡事後卹如例

光緒志

劉復旦富民增生咸豐九年二月二十三日 陷縣城復旦率民團

力戰陣亡事後卹如例

光緒志

劉正國昆明人儘先千總咸豐九年匪竄踞宜良正國率師赴援三

月十六日在宜良屬之桃花村陣亡事後廢卹如例

光緒志

段定邦 人累功官大理城守營守備咸豐九年三月大關土匪

李短捷等竄擾鎮雄彝良等處定邦奉檄往勦失利陣亡事聞廢卹

如例

光緒志

黨名儒安甯文生成豐九年三月戰歿於州屬之耳目村事後卹如

例

光緒志

武登秀朱濮杓均安甯廩生成豐九年三月匪陷州屬之耳目村同

新纂雲南通志

卷二百八 忠節傳一 雲南府一 清

二一七

日陣亡事後均卹如例

光緒志

陳國祥昆明人臨元鎮標額外隨石屏州知州葉燦章援省咸豐九

年四月初四日在九甲陣亡事後卹如例

光緒志

陳起龍 人由 歷官昆陽汛左哨外委千總咸豐九年三月

奉檄馳勦昆陽海口匪四月辛丑匪首馬凌漢率大股撲營起龍排

鎗礮叢擊之立斃凌漢賊大敗起龍追至城下亦中創陣亡事聞廢

卹如例

光緒志

李應春 人儘先千總咸豐九年四月二十四日在宜良縣湯池

陣亡事後廢卹如例

光緒志

楊懷芳安甯人以功保把總咸豐九年七月派勦海口匪力戰陣亡

事後廢卹如例

光緒志